

آبونه شرائطی : هریر ایچون
سنه لکی (۴۰۰) آلتی آیلنی
(۲۲۵) ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد عاکف

صاحب و مدیر
اشرف ادیب

تبعون اهدکم سبیل الرشاد

تذکره

آدره من تبدیلنده آیریجه
• غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسینی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولتور .

پاره کوندردلیکی زمان نهیه
داثر اولدینی بیلدیرلسی
رجا اولتور

* پنجشنبه *

۱۲ جمادی الاولی ۱۳۴۲

عدد ۵۸۰

۲۰ کانون اول ۱۳۳۹

جلد ۲۳

هیچ بر صورتی تأخیر اولونه ماز. بیلیمورز، بوزواللی منع مسکرات قانوننک قباحی نه در که بویه فلجه اوغرا تیلور؟ قانوننک ایزلیرسی وفاندیلیسی اولان بوتون ملنجه تمامی تطبیق شدتله آرزو ایدیلن بوقانونی حقیله تطبیق ایتک حکومت اسلامی من ایچون پک بویوک بر شرفدر .

موسی جارالله افندی نیک توقیفی

هلینکفورس امامی حکیم افندی طرفندن چکیلن برشایان تأسف تلغرافه کوره، روسیه مسلمانلری آره سنده بویوک بر شهرت صاحبی اولان واسلامیت حقنده شایان دقت نشریاتیه تعارف ایدن، لهنده، علیهنده بر جوق سوزلر سبیلین، بازیلر یازیلان مشهور موسی جارالله افندی نیک بولشه ویک (چه قا) انقلاب محکمه سی طرفندن توقیف اولوندینی آکلاشیلور؛ موسی جارالله افندی نیک اک صوک وظیفه سی پتروغراد امامی ایدی. کندیسینه برابر بر جوق مسلمانلر ده توقیف اولونمش. توقیفک سببی، «دینی، اجتماعی، سیاسی مسئله لر و تدبیرلر حقنده اسلام ملترینه» خطاباً یازیلان و اخیراً برلینده طبع ایدیلن بر کتابدر. بو کتابک بر نسخه سی ده صوک بوسته ایله اداره خانه مزه کوندیرلشدر. کچ کلدیکی ایچون تدقیقه وقت اولمادی.

شانلی تورک عسکرینک شرقه تألیف قیلنن بو کتابده شایان دقت مطالعات و ملاحظات اولدینی آکلاشیلور. انشاء الله کله جک هفته بو خصوصده دهها زیاده ایضاحات ویررز. بولشه ویکلرک شیمدی به قدر توقیف ایتدکلی، اولدور ذکری علمانک حد و حسابی یوقدر. فقط موسی جارالله افندی اولنرله قابل قیاس دکدر. مشارالیه ک توقیفی بوتون روسیه مسلمانلرینی شدتلی صورتده علاقه دار ایتمشدر. موسی جارالله افندی نیک توقیفندن بحث ایدن (یکی قافقاسیا) دیورکه: «شبهه یوقدر که اشبو اثرینی، هر ناصیل اولسه ده، طبع و نشر ایتدیرن موسی افندی یاقینی (چه قا) آله ویره چکنی بیلوردی. بویه ایکن زرد ایتهدن نشر ایلدیکلی اثری ایله کندیسینی افکارینه فدا ایده جک بر رشادت مدنیه کوسترمشدر.

بو رشادتک جزاسی اوله رق موسی افندی، شیمدی پتروغراد (چه قا) سنک بودورومنده اوطوریور. تحمل ایده مدیکی اسارن هوایی ایچنده مضطرب بولونان مغنویاتی، بوصورتله، برنوع اطمینان بولسه بینه، نحیف بولونان وجودی ایکنجی دفعه اوله رق اوغرا دینی بواشکنجه به تحمل ایده جکمی . . .

کوکل آرزو ایدردی که مطبوعاتک بو خصوصده ابراز ایلدیکلی علاقه دارلق دهها مطرد بر شکل اکتساب ایله سین ده، موسقا جلا دلرینه احسان ایتدیر سین که روس قومونستلرندن باشقه دوشون تورک واسلام متفکرلرینی قولای قولای تشکیل ایتک اولماز .

شهراده باشی : اوقاف اسلامی مطبعه سی

قلعه ایچندن فتح اولنور، مثله امتثالاً روسلردن بعضلری قومونست فرقه سنه داخل اولمشلر سه ده. پک موفق اوله مایه جقلر کی کلیور. زیرا فساد اخلاق کوندن کونه مدھش صورتده تعمم ایتکده در. وحشت کیتدکجه آرتیور. بوتون نفوذ و قدرت (چه قا) لره، یعنی انقلاب محکمه لرینه ویرلشدر. (چه قا) لر لایسل عمایفعلدر. هرکس اورککده اولدینی حلاله بینه عکس العملدن قورقوبور. بوندن طولانی بالخاصه یهودیلر تدھش ایتکده درلر. زیرا بوتدھش اصولک عکس العمل ایلک دفعه یهودیلری سوپوره جکدر. بوتون دنیانک مقدراتیه، اقتصادی، سیاسی و اجتماعی مقدراتیه اوینایان یهودیلری شمدی مدھش بر قورقوالمشدر. بوتون اوروپائی قاریشدیران یهودیلر ده اوروپاده کی وروسیه ده کی بوتون انقلابلرک آرقه سنده یهودیلر واردر. خرستیانلر آره سنده سیاسی و اجتماعی تفرقلر چیقارتمق صورتیه خرستیانلقدن انتقام آلمقده درلر. سیونیستلر پاره لرله، تشکیلاتلریله، انترقه لرله اورته لنی قاریشدیروب طور یورلر. بوکون اوروپا دولتلری یهودیلرک بوتربیانته تمامیه واقف اولمشلدر. اونک ایچون هر طرفده یهودی علیهنه حرکت باشلامشدر. بالخاصه روسیه ده رأس کارده بولونانلر آره سنده یهودیلرک ده اولسی روسلری غیظ وحدت ایچنده مضطرب ایتکده در. گونک برنده بو انفعال همومینک باطلاق ویرمسی محتملدر. محتمل دکل، محققدر. بونی سزمن یهودیلر شیمدی فوج فوج روسیه نی ترک ایتکده درلر.

مسکراتله مجادله ایدن بر خرستیان ملتی

بو هفته کان خبرله کوره برانکلز یلکن کیسی آمریکا ساحلرینه قاجاق صورتیه ۱۵۰ صندوق ویسکی ادخال ایتک ایسته مش؛ فقط آمریقایلر طرفندن کمی طوب آتشیه قارشیلانهرق توقیف و ایچنده کی مسکرات ضبط و مصادره ایدلشدر. دیگر برانکلز کیسنک کتیردیکی ۴۵۰۰ دولار قیمتده ۱۸،۰۰۰ شیشه بیرایی قاجاقیلر آمریقایه ادخاله موفق اولمشلر سه ده آمریکا ضابطه سی، بیرالری یاقالامش، آمریکا مسکرات قانوننه توفیقاً بر جوقورک ایچینه شدتله آنوب شیشه لری پارچه لامق صورتیه بیرالری احیا ایله مشدر.

ایسته یاشامق ایستین ملنر منع مسکرات قانونی بوصورتله تطبیق ایدرلر. ایچکی به قارشی بوشدنی کوسترمکله آمریکا مدتی بر دولت عدادندن چیقما یور. لکن بزده کی مسکراتچیلر بونی کورمیورلر، کرمک ایسته میورلر. بر سر خوشک بر قاج دکنک بمسنی اعظام ایدرک وحشتدن، قرون وسطائی ذهنیتندن بحث ایتکدن هیچ صیقلمازلر. باقکنز آمریقایه، مسکرات قاجاقیلرینه دکنک ایله دکل، طوبلرله هجوم ایدیور. مسکرات قانونی الآن استانبولده تمامیه تطبیق ایدیله یور. مهرله ن ایچکیلرک خارجه چیقارلمسی، یاخود یره دوکولسی قانوناً ایجاب ایتدیکلی حلاله غزته لر درت آی دهامدت ویریلدیکلی یازیورلر. بونا صیل اوله بیلیر؟ بر قانونک اجرای احکامی، دیگر بر قانون اولماجه،